



## Latgališu kulturys goda bolva BOŅUKS 2018 NŪLYKUMS

Latgališu kulturys goda bolva teik taiseita ar mierki apkūpuot lobuokū, spylgtuokū i svareiguokū padareitū i nūtikšonys pārnejā godā latgaliskajā kulturā, gūdynojūt aktivuokūs latgališu kulturys puorstuovus, popularizātuojus, kai ari veicynojūt jaunradis i kulturys daudzveideibys atteisteibu iz prīšku. "Boņuks 2018" tiks gūdynuotys tuos personeibys, nūtikšonys i aktivitatis, bez kuru vysa vaira nabyutu īsadūmojama latgaliskuo kultura 2018. godā.

### Projekta ideja i mierki:

Veicynuot latgališu kulturvidis saglobuošonu i atteisteibu. Apkūpuot i gūdynuot spylgtuokūs i nūzeimeiguokūs sasnāgumus, nūtikšonys, personeibys latgališu kulturā pārnejā godā.

### Bolvys reikuotuoji:

Latgolys viestnīceiba GORS

### Nominaceju pretendenti:

Fiziskys voi juridiskys personys, kas sovā darbeibā i jaunradē sagloboj, atteista i popularizej latgališu kulturu, izmontoj latgališu volūdu i atbiļst kaidai nu nūlykumā minātūs kategoreju. Bolva teik daškierta par spylgtu, kvalitatīvu, sabīdryski nūzeimeigu, sabīdreibys i profesionāļu atzineibu dabuojušu darbeibu voi jaunradī latgaliskuos kulturys laukā 2018. godā. Pretendentam nav obligata praseiba byut raksteitam, radeitam voi kai cytaiž izapaudušam latgaliski, tys latgaliskuos vierteibys i latgaliskū kulturu var nest ari cytuos volūduos.

### Pretendentu dasaceišona:

Nominantus latgališu kulturys goda bolvai "Boņuks 2018" var īsnēgt da 2019. goda 10. janvara. Vīnu aktivitati, personeibu, nūtikšonu, dorbu var dasaceit vairuokuos kategorejuos. Dasacejuma anketa daīmama kai elektroniskā, tai izdrukavojamā formatā bolvys sātyslopā <http://bonuks.lv> i Latgolys viestnīceibys GORS sātyslopā <http://latgalesgors.lv>. Vysūs dasacejumūs eipaši teik vārtāts padareitais latgaliskajā kulturā taišni konkretajā godā. Žureja īsoka īsnēgt izdavumus, gruomotys, dzīsmis, albumus, video, raidejumus i c., kas publiski pasaruodejuši da 2018. goda 20. decembra. Bolvys dasacejuma anketa teik pījimta ari drukavuotā formatā, dasacejumu syutūt pa postu [pošta štempeļs da 8. janvara]: Latgališu kulturys goda bolvai "Boņuks 2018", Latgolys viestnīceiba GORS, Piļs īla 4, Rēzekne, LV-4601.

### Bolvys sajiemieji:

Bolva teik padūta 10 spylgtuokajom nūtikšonom, personeibom, aktivitatem voi cytom iniciativom pārnejā godā latgaliskajā kulturā kategorejuos "Volūda. Literatura. Publicistika", "Nūtikšonys. Aktivitatis. Personeibys" i "Audio. Video". Vīna atseviška bolva bez īprīšk 10 nūsauktūs teik padūta nominacejā "Par myuža īguļdejumu latgališu kulturys atteisteibā".

### **Pretendentu viertiešona:**

Bolvys žureja nu īsnāgtūs pretendentu, izviertejūt vysus sajmētūs dasacejumus, atlosa vysmoz 30 bolvys nominantus, kurī teik izziņuoti 2019. goda februara suokumā. Nedeļu pyrma bolvys ceremonejis (2019. goda 17. februārī) žureja kluotīnis sasatikšonā apstyprnoj desmit bolvys sajiemiejus, kurī teik paziņuoti bolvys ceremonejā 2019. goda 24. februārī Latgolys viestnīceibā GORS. Bolvys "Par myuža īguļdejumu latgalīšu kulturys atteisteibā" sajiemiejs teik paziņouts vysmoz divejis nedelis pyrma ceremonejis. Lāmumu par bolvys sajiemieju nominacejā "Par myuža īguļdejumu latgalīšu kulturys atteisteibā" pījem bolvys reikuotuoji, konsultejūtīs ar bolvys žureju.

### **Žureja:**

Bolvom dasaceitūs pretendentus vērtēs īprīšk sataiseita komiseja, kurys vydā ir:

- dalinīki, kurī ir ar profesionalu pīredzi, dorbojūtīs kotrā nu kategoreju sferom;
- dalinīki, kurī ir zynomi, ar dorbim i pīredzi atzeiti vīdūkļu lideri latgaliskajā kulturā;
- bolvys reikuotuoju (Latgolys viestnīceibys GORS) puorstuovi;
- latgaliski raidūšūs i rokstūšūs medeju puorstuovi;
- īprīškejuos reizis latgalīšu kulturys goda bolvys "Boņuks" sajiemieji.

Kotraī nu bolvys kategoreju teik taiseits atškireigs komisejis sastuovs. Kūpā žurejā pīsadola vysmoz 25 komisejis dalinīki. Gadīnī, ka kaidis nu komisejis dalinīku ir saisteits ar kaidu nu kategoreju voi rūnās interešu konflikts, jis/jei napīsadola konkretuos kategorejis kandidatu izviertiešonys procesā.

### **Kategoreju skaidruojumi:**

#### "Volūda. Literatura. Publicistika"

Kategorejā var dasaceit pretendentus, kas atsatic iz volūdys, literaturys, publicistikys laukim – kai latgaliski izdavumi, tai atseviški dorbi, aktivitatis, raidejumi, žurnalistikā padareitais, nu jauna sataiseitais, ari myusdīnu tehnologeju sferā latgaliski dareitais i c. Dasokūt bolvai gruomotys i cyta veida izdavumus, dasaceituoji apsajem bolvys žurejai īsnēgt gruomotys ci izdavuma eksemplaru elektroniskā i/ci drukavuotā formatā.

#### "Nūtikšonys. Aktivitatis. Personeibys"

Kategorejā var dasaceit pretendentus, kas nūtykuši, bejuši, darejuši dorbus latgaliskajā kulturā 2018. godā. Leluokys i mozuokys sabīdryskys i vaļstiskys nūtikšonys, pasuokumi, koncerti, teatra izruodis, muokslys pasuokumi i aktivitatis, akcejis, projekti, dareišonys internetā, ļauds – kulturys darbinīki, saiminīki, amatnīki, muokslinīki i cyti, kurūs dareitais 2018. godā eipaši gūdynojams i pamets pādus latgaliskajā kulturā.

#### "Audio. Video"

Kategorejā var dasaceit audio i video dorbus muzykys, muokslys, kino, TV, interneta sferuos – vysu, kū var nūsavērt i/ci nūsaklauseit latgaliski i kas radeits, publicāts, viereibu dabuojs 2018. godā. Dasokūt bolvai konkretys dzīsmis, albumus ci video, dasaceituoji apsajem bolvys žurejai īsnēgt albuma, dzīsmis ci video verseju elektroniskā formatā.

### **Viertiešonys kritereji:**

1. Cik latgaliskys i/voi Latgolys kulturys vierteibys nasūšs ir pretendents, aktivitate;
2. Cik aktivs pretendents ir bejs vysa goda laikā;
3. Kaidu rezonansi regionā, vaļstī voi plašuokā mārūgā raisejuse pretendenta darbeiba (kū leluoka, tū viertejams augšuok);
4. Pretendenta snāguma kvalitāte (muokslinīcyskuo, volūdys, publicitatis, aktivitatis i tml.).
5. Pretendenta snāguma ilgtspieja – kaidus pādus nūtikšona, personeiba, aktivitate pamess godim iz prīšku.

### **Sasazynuošonai:**

[bonuks@rezekne.lv](mailto:bonuks@rezekne.lv) i 64633303